

**NATIONAL ASSEMBLY OF
SEYCHELLES**

Thursday 16th December, 2021

The Assembly met at 9.31am

National Anthem

Moment of Reflection

Mr Speaker in the Chair

MR SPEAKER

Bonzour tou Manm Onorab e bonzour, nou staff ki pe asiste nou. E nou piblik ki a lekout. Bon nou'n zwenn ozordi pou konsiderasyon *Supplementary Appropriation Bill, 2021*.

Mon ava apel madanm rapporter, pou demann Minis e son delegasyon pou antre silvouple.

Bonzour Minis Naddy Hassan Minis pou Finans pou Ekonomik e Komers. Mersi pou ou'n kapab zwenn nou ozordi. E mon osi dir bonzour, e byenveni Mr Patrick Payet *Secretary of State*. Ms Irene Croisee *Comptroller General*, Ms Astride Tamatave *Deputy Comptroller General*, tou bann zofisyne dan Minister Finans, ki avek nou pou konsiderasyon *Second Reading Supplementary Appropriation Bill, 2021*.

Pour komanse mon krwar tou bann Manm i konnen poudir sa *Bill* i prosed diferan avek lezot akoz, i en *Supplementary Appropriation*.

Napa deba, napa komite, nou'n fer deba lo Staz Mosyon. E la nou pe prosede zis pour aprouv sa *Bill*. E pou komanse nou a swiv bann prosedir.

E Onorab Arissol, i a prezant Mosyon pou nou *waive Second Reading* premye.

HON SANDY ARISSOL

Mersi Mr Speaker.

MR SPEAKER

Sorry waive seven days'notice, pou Second Reading. Mersi Onorab.

HON SANDY ARISSOL

Mersi Mr Speaker. Bonzour Minis Finans avek ou lekip. Bonzour tou Manm Lasanble. tou dimoun ki pe ekout nou.

Mr Speaker, anba *Order 97(1)*, mon le *move* pou ganny ou permision pou nou sispann *Order 69(1)* pou permet ki *Bill Supplementary Appropriation, Bill, 2021*.

I ganny lir en Dezyenm Fwa, malgre ki sa peryod 7 zour, depi ki nou'n fer son, nou'n lir li pou Premye Fwa pa ankor ganny ekspire. Mersi bokou Mr Speaker.

MR SPEAKER

Mersi. Mon a ganny segonnman pou sa Mosyon Onorab Henrie.

HON GERVAIS HENRIE

Mersi Mr Speaker. *Motion is seconded.* Mersi.

MR SPEAKER

Mersi Manm a vot lo sa Mosyon silvouple. Manm ki an faver lev lanmen? Mersi. Manm ki kont? Lo Mosyon *to waive seven days requirement from the Second Reading of the Supplementary Appropriation, Bill, 2021 - 20* Manm in vot pour, 0 kont e 9 abstansyon.

Donk Lasanble in aprouve pou *waive seven days requirement.* E nou kapab prosede avek Mosyon pou *Second Reading.* Onorab Arissol.

HON SANDY ARISSOL

Mersi Mr Chair. Mr Speaker, anba *Order 69(2)* mon *move* ki *Bill Supplementary Appropriation Bill, 2021*, i ganny lir en Dezyenm Fwa. Mersi.

MR SPEAKER

Mersi. Nou a ganny segonnman pou sa *Bill*. Onorab Henrie.

HON GERVAIS HENRIE

Mersi Mr Speaker. *Motion is seconded.* Mersi.

MR SPEAKER

Mersi Mosyon in ganny segonde. Zis avan nou vote petet mon a zis les Minis repas lo sa *Bill*. Pou zis remet li devan Lasanble e osi pou lenformasyon nou piblik. Minis ou a fer en pti reprezantasyon lo sa *Bill*.

MINISTER NAADIR HASSAN

Mersi Mr Speaker. Mr Speaker tou bann Manm Lasanble Nasyonal, tou dimoun ki pe ekout nou, bonzour.

Mr Speaker annakor avek Lartik 154(7) nou Konstitisyon. Mon pe prezant en Bidze Siplemanter, pou lannen 2020 pou laprouvason Lasanble Nasyonal.

Nou ava rapel ki le 10 Desanm 2020, Lasanble ti aprouv en rezolisyon pou en Bidze Siplemanter pou en sonm R1.1bilyon. Sa rezolisyon ti osi fer provizyon, pou en *budget cut* R336.2milyon.

Sa semenn, Lasanble ti osi aprouv en rezolisyon, pou en Bidze Siplemanter ki relye avek depans an 2020 swivan lodit ki Direkter Zeneral in fer. E sa i pou en sonm R86.9milyon ki prensipalman al anver bann don.

Alor Mr Speaker sa de sonm ki aprezan, dapre Lartik 154(7), mon pe met sa Prozedlwa pou en *Supplementary Appropriation*, devan Lasanble Nasyonal pou en total R1bilyon 226milyon 627mil 852. 15 sou.

Mr Speaker lannen 2020 in enn avek en kantite presyon lo Bidze Gouvernman. E osi avek bokou lensertitud, dan koleksyon reveni, koze par pandemik *COVID-2019*, ki'n annan bokou lenpak lo nou lekonomi, lo krwasans mondyal e lo lasante piblik.

Avek pandemik *COVID-19* bann defayans sosyoekonomik, dan nou pei ti entansifye. Kot nou ti rikord en kontraksyon ekonomik 9.9poursan. E nou pozisyon fiskal primer ti en defisit 15.1poursan, nou prodwi domestik brit. E det Gouvernman ti sorti lo 58poursan, pou ariv 92.2poursan *GDP*.

Mr Speaker pou sa premye siplemanter, 1.1bilyon ki Lasanble ti aprouve lannen pase, sa larzan in ganny depanse *comme swivan*;

En total 41.7milyon adisyonnel in al anver bann saler pou bann rezon swivan;

R3.8milyon pou kouver defisit dan saler detrwa antite.

R11.7milyon pou peyman gratwite ek konpansasyon bann travayer dan sekter piblik.

R21milyon pou peyman bann *dues*, bann Manm Lasanble Nasyonal, sizyentm Lasanble ki ti ganny dizourd an 2020.

E R5milyon, pou peyman bann *dues* pour bann Minis, pou lannen 2015.

Par kont dan saler ti osi annan en sonm R20.3milyon ki'n ganny koupe anba Bidze saler, atraver restriksyon lo rekritman e ranplasman.

E osi bann *savings* ki'n fer, ki'n vin atraver retar dan rekritman. Mr Speaker kot i konsern depans byen ek servis, i annan en total R267.9milyon. Pli gro sonm ladan, i en sonm 186.7milyon ki'n al anver Lazans Swen Lasante, pou kouver bann depans an plis anvi sityasyon *COVID-19*.

Bann lezot alokasyon i *comme swivan*;

DICT - R2.4milyon Bidze adisyonnel pou enprim kart idantite.

Finans - R1.5milyon pou kouver defisit anba akizisyon loto pour serten Departman Gouvernman.

Departman Prizon - R8.4milyon pou kouver serten aryeraz. E osi pou kouver depans, relye avek bann *staff*

etranze, koze par depresyasyon dan Roupi.

SQA - R824mil pou pey rent lofis.

TRNUC - R1milyon pou kouver diferan depans.

NISTI - R828mil, pou pey rent pou lofis.

ANHRD in vwar li bezwen R42.5milyon an plis pou bann etidyan ki pe fer zot letid aletranze. Apre ki i ti bezwen fer depans ekstra pou bann etidyan ki ti'n pri dan bann diferan pei akoz *lockdown*.

E osi lefe depresyasyon, lo bann peyman tel ki bann *tuition fees*, e *stipend* pou bann etidyan.

APDAR en sonm R3.1milyon pou kouver son bann defisit, prensipalman anba sekirite e akizisyon *methadone*.

Cleaners Corporative, en sonm R6milyon adisyonnell, ki'n kouver *shortfall* anba sa vot.

Egzekisyon eleksyon - R4.3milyon pou kouver Eleksyon Lasanble Nasyonal, ki pa ti'n prevwar.

Profesyonnel e servis konsiltan, R8milyon relye avek depresyasyon Roupi, e osi peyman *tax*.

R2.2milyon pou kouver depans, dan serten lezot Minister, Departman, e Lazans. Par kont in osi annan en sonm

R38.4milyon ki'n ganny koupe anba sa kategori depans.

Sa ti plizoumwen bann *savings*, ki ti idantifye anba plizyer Minister, Departman e Lazans.

Kot i konsern Bidze pou bann Proze Kapital, Gouvernman ti annan en sonm R296.4milyon, ki ti ganny idantifye koman *savings*, ki relye avek bann retar dan lenplimantasyon serten proze.

Me par kont en sonm R113milyon in ganny *allocate* koman adisyonnell, ki en gro porsyon ti al pou Departman Lenfra striktir.

En sonm R94.4milyon, pou kouver depans pou akizisyon bann apartman avek Fon Pansyon lo zil Perseverance. E osi pou kouver serten defisit anba lezot proze.

Mr Speaker anba Programm *Social Government*, en total R264.7milyon adisyonnell in ganny *allocate comme swivan*;

En sonm R26.9milyon pou loperasyon *SETS*, ki ti asiste pou tranzisyon dimoun ki ti ganny fer *redundant*, an rezulta *COVID*, e plas zot dan en lot landrwa travay. En sonm R184milyon pou peyman anba *FA4GR Scheme*.

En sonm R13.8milyon, pou sibvansyonn repeyman

loan lakaz, bann kliyan HFC ek PMC anba sa Scheme.

En sonm, R4.4milyon pou kouver logmantasyon dan pansyon *minimum*.

En sonm R30milyon pou finans sa *Scheme loan* ek *DBS* pou bann pti biznes.

En sonm R5milyon pou kouver depans anba *SME Scheme*.

E en sonm R900mil pou kouver depans anba *Youth Entrepreneurship Scheme*.

Mr Speaker, Gouvernman ti vwar li neseser pou asiste serten bann lakonpannyen paraetatik an 2020, ki serten ti ganny lasistans pou peyman saler zot bann travayer. En total R161milyon in ganny *allocate* anba sa vote.

Ankor koman lasistans anver bann lakonpannyen paraetatik anba laliny *Net Lending*, en sonm R50milyon adisyonnell, ti al koman davans pou *DBS* pour ed li onor son repeyman lo enn son *bond*, ki ti matir an out 2020.

En lot sonm R18milyon, pour asiste *IDC* ek son *cashflow*. Pour note ki sa de lakonpannyen pe rann Gouvernman sa davans. Anba *Grants* pour bann proze devlopman pou bann lakonpannyen paraetatik en sonm R1milyon in al anver *PUC*,

pou kouver *shortfall* anba sa alokasyon. E anba sa menm vot en sonm R1milyon ti ganny idantifye koman *savings* anba *SPTC*.

Mr Speaker anba *Benefits and Approved Programmes of ASP*, ti annan en sonm R174.9milyon pou kouver defisit anba sa bann programm swivan;

Benefis retret, Benefis dezabilite, *Homecare Scheme*, *Unemployment Relief Scheme*, *Vulnerable Home Repair*, *Social Safety Net*, ek *SPTC travel concessions*.

En Bidze adisyonnell R47.2milyon, pou depans anba *Contingency Fund*, pou kouver bann depans an plis, relye prensipalman avek *COVID*.

Mr Speaker sa i kouver detay pou sa premye sonm ki mon ti prezante lannen pase. I enportan pou mwan rapel sa Lasanble, sa adisyonnell ti'n ganny prepare par administrasyon avan. Me akoz ti napa en Lasanble, Minister Finans ti bezwen esper nouvo Lasanble ganny elekte. E se sa, ki mon ti fer lannen pase letan ti diskrit sa siplemanter an detay.

Mr Speaker an relasyon avek sa dezyenm sonm pou en total R86.9milyon ki Lasanble fek aprouv son Mosyon Mardi,

parey *Leader Gouvernman* dan Lasanble, ti eksplike, sa sonm i plizoumwen depans an relasyon avek bann don. I enportan pou Lasanble note ki don napa okenn lenpak lo pozisyon fiskal.

Letan Bidze i ganny prepare, pa tou lenformasyon lo bann don ki Departman Finans i resevwar pour kapab fer antre dan Bidze.

I osi annan plizyer don ki nou konsider koman bann *small cash Grant* ki pa ganny prezante dan Bidze, koman bann *forecast*. Me son depans i toultan ganny rikorde.

Savedir i annan serten don ki nou rikord zot *post*, savedir letan depans in fini ganny fer.

Mr Speaker tou don ki dan form *cash Grant*, larzan i ganny resevwar par Gouvernman, e ganny depanse swa dan Trezor, ouswa dan bann *special account*, ki avek Labank Santral.

Tou depans bann don i ganny avoye kot Finans pou *process*. E i annan en younit anba *Financial Planning and Control Division*, ki administre tou bann peyman anba bann don.

Selman bann don ki ganny finanse par bann lorganizasyon oubyen en

endividu lokal, ki ganny administre par bann Minister Departman e Lazans, e sa i ganny process par Trezor.

Mr Speaker swivan respons *Leader Lopozisyon Mardi*, letan *LGB* ti prezant sa Mosyon, ti annan en demann pou plis lenformasyon, lo sa siplemanter. E detay i *comme* swivan;

Anba Departman Komers R24.6milyon, ki relye avek proze *Eleven EDF*, ti ganny finanse par Linyon Eropeen.

Mr Speaker sa proze i annan 3 konponan, e sa proze an total i pou €10milyon. Pli gro konponan a Bidze i pou €5.25milyon ki al anver en kontra lonterm.

Tender pou sa kontra ti ganny fer par Linyon Eropeen, e en lakonpannyen nonmen *GOPA*, ki ti ganny sa *tender*. Peyman relye avek sa kontra i fer direk, par Linyon Eropeen. Savedir, sa larzan pa'n antre dan kont Gouvernman.

An 2020 ti annan 2 peyman pou en total, €1.6milyon.

Anba Departman Ladefans 5.9milyon ki ti al anver peyman proze radar, ki ganny finanse par Gouvernman *L'Inde*.

Ti annan 2 peyman an 2020 ki ti al anver

lakonpannyen ki'n ganny sa kontra. *Barack Electronics Ltd*, pou en total R16milyon.

Provizyon bidzeter anba sa don, pa'n kapab kouver tou sa depans. Sa i en *cash Grant Gouvernman L'Inde*, i transfer larzan dan en *special account* avek Labank Santral. E answit Minister Finans, i pey sa kontrakter.

SBC - R46.3milyon pou konstriksyon nouveau *SBC House*. An 2020, nou ti rikord 90pourstan, sa depans parey kontra i preskrir. Mr Speaker sa i en don ki ganny kategorize koman *benefits in kind*.

Sa proze i ganny finanse par Gouvernman *La Chine* e kontrakter ki'n ganny sa Kontra, i *Hunan No.6 Engineering Co. Ltd*.

Komisyon Lenerzi Sesel, en sonm R7.1milyon, ki'n al anver proze '*democratising solar pv*' ki ganny finanse par Gouvernman *L'Inde*.

Lotorite Lasante Piblik, en sonm R1.5milyon pou son proze Letid Developman Zanfan. Ki finanse par *the Rochester University*. Peyman anba sa don, i prensipalman *allowance* pou bann travayer lasante, ki travay lo sa proze spesifik.

Regional center, en sonm R1.3milyon i kouver de proze *Grants* anba sa antite. Enn i

proze formasyon ki ganny finanse par *UNODC*. E lot, i en proze *Maritime Coordination at Sea*, ki ganny finanse par *EUCOI*.

Biro Mer Lavil en sonm R170mil, ki kouver peyman anba proze met lalimyer dan lavil pou Nwel. Biro Mer Lavil i ganny serten donasyon avek bann biznesmenn ki sa lannen in met lalimyer dan lavil. E sa i ganny mete dan en *Code Grant*, ki ganny administre par Biro Mer Lavil.

Biro Statistik, R11mil ki al anver e proze ki Nasyon Ini ti finanse pou sa lofis, fer en letid lo bann lenpak *COVID-19*, in annan lo Seselwa.

Mr Speaker Lasanble, i annan detay tou le de Siplementer. E avek sa mon demann laprouvason sa Prozedlwa. Mersi.

MR SPEAKER

Mersi Minis parey nou'n eksplike. Petet zis pou repet sa klarifikasiyon pou piblik. Sa legzersis se pour regulariz bann depans siplementer ki i bezwen antre dan Bidze, ki Lasanble in aprouve par de Mosyon, pandan sa lannen.

Avek sa prezantasyon Minis, mon apel bann Manm pou vot lo *Supplementary Appropriation Bill*, 2021. Manm

ki an faver lev lanmen silvouple? Mersi madanm Clerk mon krwar tou dimoun in vote. Okenn ki kont? Zis pou fer sir.

Vot lo *general merit of the Supplementary Appropriation Bills 2021*, 28 Manm in vot pour, 0 kont e en abstansyon. Donk sa *Bill* in aprouve, lo *Second Reading general merit*. E Madanm Clerk i a fer *Formal Second Reading*.

MADAM CLERK

Mersi Mr Speaker. Bonzour Mr Speaker. Bonzour tou bann Manm e bonzour Minis ek bann manm ou delegasyon e tou dimoun ki a lekout.

A Bill for an Act to provide for the purposes of a Supplementary Estimate approved by the National Assembly. Mersi Mr Speaker.

MR SPEAKER

Mersi Madanm Clerk. Pou nou skip Committee Stage mon krwar mou bezwen en vot dan sa lenstans. Premye fwa mon fer sa. Onorab Arissol ou'n pare avek en Mosyon pou skip Committee Stage? Yes Onorab Arissol.

HON SANDY ARISSOL

Mersi Mr Speaker. Mr Speaker anba *Order 97(1)* mon oule

move pou nou sispann *Order 75* pou nou sot Staz Komite. Mersi bokou.

MR SPEAKER

Mersi. Nou a ganny segonnman pou sa Mosyon silvouple? Onorab Henrie.

HON GERVAIS HENRIE

Mersi Mr Speaker. Motion seconded. Mersi.

MR SPEAKER

Mersi. Manm a vote lo sa Mosyon silvouple. Mann ki an faver lev lanmen. Mersi. Manm ki kont?

Lo Mosyon to skip Committee Stage on the Supplementary Appropriations Bill, 2021, 20 Manm in vot pour, 0 kont e 9 abstansyon. Donk sa Mosyon in aprouve par Lasanble e nou a kapab prosede avek *Third Reading*. Onorab Arissol ou a met Mosyon pou *Third Reading*.

HON SANDY ARISSOL

Mersi Mr Speaker. Mr Speaker anba *Order 76(1)* mon move ki Bill Supplementary Appropriation Bill, 2021 i ganny lir pou en Trwazyenm Fwa. Mersi.

MR SPEAKER

Mersi. Mosyon a ganny segonde silvouple. Onorab Henrie.

HON GERVAIS HENRIE

Motion for Third Reading, seconded Mr Speaker. Mersi.

MR SPEAKER

Mersi. Mon apel bann Manm pou vot lo *Third Reading* sa *Bill*. Manm i an faver lev lanmen silvouple? Mersi, okenn Manm ki kont?

Lo Mosyon for *Formal Third Reading of the Supplementary Appropriation Bill, 2021*; 28 Manm in vot pour, 0 kont e in annan 1 abstansyon. Donk sa *Bill* in aprouve lo *Third Reading* par Lasanble e Madam Clerk a fer *Third Reading*.

MADAM CLERK

Mersi Mr Speaker. *This Act may be cited as a Supplementary Appropriation Act, 2021.* Mersi Mr Speaker.

MR SPEAKER

Mersi Madam Clerk. Mon annan plezir pou dir ki sa *Bill* in pase par Lasanble.

Byen ozordi i nou sel *item* e nou dernyen zour travay. Avan nou separe mon ti a kontan pran lokazyon pou envit bann *Leaders* Lasanble ki prezan, si zot ti a kontan fer en

pti mesaz pour nou piblik a lokazyon *closure* nou Lasanble pou sa lannen. Onorab *Chief Whip* Sylvanne Lemiel, eski ou ti a kontan fer sa lo lapar ou *Caucus*?

HON SYLVANNE LEMIEL

Mersi Mr Speaker. Bonzour Minis avek ou delegasyon. Tou mon bann koleg Manm Onorab e tou dimoun ki a lekout. Mr Speaker mersi pou donn mwan loportinite de lapar mon *Caucus* pou mwan pas en mesaz.

Sa lannen 2021 i pa'n en lannen ki'n fasil, in en lannen ki'n *challenging* mon kapab dir, pou bokou dimoun. Nou'n annan nou sityasyon *COVID* ki ankor dan nou lanmen. I annan bokou dimoun nou konnen ki dan latristes ki'n perdi en Manm fanmir, ki'n perdi lavi.

I annan bokou dimoun osi mon kapab dir petet i annan ki dan lazwa, atraver petet i annan serten bon keksoz ki'n pase dan zot lavi pandan lannen 2021.

E pour tou sa Mr Speaker, nou remersye Bondye, nou dir Bondye mersi pour tou bann bon keksoz ki pe pase ;- ki nou bann dimoun i annan ki'n pas ladan.

E mon profit sa lokazyon osi pou mwan pran en moman pou nou senpatiz avek bann

dimoun petet ki'n pas dan difikilte.

Mwan menm mwan mon annan en fanmir, 2 fanmir tou dernyerman Lendi ki'n pas dan maler dife kot zot. E nou profit sa lokasyon pou nou senpatiz avek zot. Ki ou'n perdi en pros, ki ou'n perdi tou ou keksoz atraver en dife, mon swet zot kouraz.

2021 wi i pa'n fasil, me mon espere Mr Speaker ki 2022 i ava en lannen kot i ava en pti pe pli prosper pou Lepep Seselwa, pour tou dimoun. E mon swet tou dimoun bonn sante, bon kouraz pou lannen 2022.

E nou lo sa kote latab lo kote *United Seychelles*, nou reste solider ek tou bann dimoun ki pe pas dan serten difikilte. Kot i konsern mon bann koleg dan Lasanble, in en lannen ki nou'n travay byen ansanm mon krwar.

E mon espere ki lannen 2022 ou Mr Speaker nou kontinyen ganny ou korperasyon e an menm tan nou bann koleg nou kontinyen travay byen ansanm avek bann Minis, bann Minister lo nou bann komite, tou bann dimoun ki'n travay ansanm avek nou, ki'n ed nou.

Madam Clerk avek son Sekretarya an menm tan avek

depite Clerk nou dir zot mersi, pour tou sa ki zot in fer pou nou komans bann Manm dan Lasanble pou lannen 2021. E mon swete ki 2022 nou ava kontinyen travay nou tou ansanm an kolaborasyon e an sipor ant enn a lot. So mersi Mr Speaker.

(APPLAUSE)

MR SPEAKER

Mersi Onorab Lemiel. Mon ava envit Onorab Sandy Arissol pour si i oule fer en mesaz lo lapar son *Caucus*.

HON SANDY ARISSOL

Mersi Mr Speaker. Bonzour tou Manm ankor enn fwa. Mr Speaker letan ou'n donn mwan sa permisyon pou dir en pti mo lo lapar mon *Caucus*, mon ti a kontan profite pou felisit Sesel an vi ki bomaten lo *FM*, mon tande poudir nou moutya in ganny rekonnet atraver lemonn, atraver *UNESCO*.

So mon ti a kontan profite pou felisit bann dimoun ki dan sa domenn. Nou moutya in ariv sitan lwen dan lemonn. Menm parfwa annan landrwa ki nou, nou pa ankor arive koman bann Seselwa me nou moutya in ganny rekonnet.

So, mon ti a kontan felisit tou bann dimoun, bann santer,

mizisyen, konpoziter, bann taper tanbour moutya, bann danser moutya felisitasyon pou sa travay. Alor felisitasyon pou Sesel.

(APPLAUSE)

HON SANDY ARISSOL

Mr Speaker mon ti a kontan lo non mon *Caucus*, remersye sirtou nou menm nou dan Lasanble Nasyonal, nou bann koleg *MNA* lo tou lede kote latab, remersye ou Speaker Lasanble ki'n gid nou dan sa travay pandan sa 1an.

Avek ou Sekretarya ki'n donn nou sa *full* sipor pandan lannen antye san eksepsyon *COVID*, pa *COVID*, Sekretarya in la deryer nou.

Mon ti a kontan remersi Prezidan avek *Cabinet*, pour tou bann Minis ki'n fer en pe letan ek tou zot teknisyen ki'n asiste nou dan tou sa ki nou'n anvizaze fer pou sa lannen, pou asire ki pei i al lo bon semen.

E mon ti a kontan remersi Lepep Seselwa, mon pa kapab remersi zis zabitan Bel Ombre an vi mon ki'n ganny sa loportinite, mon anvi remersye Lepep Seselwa dan tou distrik pou zot sipor, zot gidans, zot lakonpannyman ki zot in fer pou nou ziska la.

Nou ti a kontan dir zot mersi bokou. E mon ti a kontan fini avek en not poudir Nwel i en lokazyon lazwa kot nou esanz kado, nou fer lesanz en repa, en pti ver e nou osi fer li dan lanmour koman fanmir.

Me lannen i en letan kot nou reflesir lo lavenir, lo nou lavenir koman en Seselwa, koman en travayer. Kwa ki nou ti a kontan pou lannen prosen e sa i ti a letan kot nou bann Seselwa nou bezwen reflesir kwa ki annan a nou dispodite, ki nou, nou kapab fer pou nou lekor, pou nou fanmir, pour ki pi i kapab ed nou ver sa demars ki nou pe fer.

Alor Mr Speaker lo sa not mon ti a kontan dir tou dimoun en Zwaye Noel e en bon lannen 2022 e nou swete ki nou tou menm dan nou maler dan nou difikilte, nou vwar lazwa pou nou kapab akey sa nouvo lannen pour ki le meyer i reste le meyer pour tou dimoun san eksepsyon.

E parey nou kontan dir ki nou Gran Met i kontinyen zet en lizye e donn nou *full* benediksyon dan tou sa ki nou anvizaze fer. Avek sa detrwa mo mon ti a kontan remersye ou Mr Speaker.

(APPLAUSE)

MR SPEAKER

Mersi Onorab. Bon, Minis ou ti a kontan dir en mo?

MINISTER NAADIR HASSAN

Mersi Mr Speaker. Wi Mr Speaker mwan osi lo mon non koman Minis Finans e bann lezot koleg Minis, mon ti a kontan dir mersi ou menm Mr Speaker, Sekretarya Lasanble e osi bann Manm Lasanble pou sa travay ki nou'n fer an 2021.

I en travay ki ti vreman entans e kot L'Egzekitiv in travay vreman byen avek Lezislatif lo plizyer size. I annan bokou Lalwa ki'n pase. E la mon ti a kontan osi dir en mersi osi *Bills Committee* ki'n travay vreman dir, souvan anba bann *short term deadline* me zot in delivre pou met bann Lalwa.

So mon zis ti a kontan *wish* ki 2022 osi nou kontinyen lo sa menm laliny e nou travay pou lentere Sesel. So avek sa mon ti a kontan dir tou bann Manm Sekretarya en Zwaye Noel e osi en Bonn Ane e osi pep Seselwa osi en Bonn Nwel e en bon lannen. Mersi Mr Speaker.

(APPLAUSE)

MR SPEAKER

Mersi Minis. Wi mon ti a kontan envit Madanm Clerk petet pou pas en mesaz lo son kote.

MADAM CLERK

Mersi Mr Speaker. Mersi pou donn mwan sa privilez pou mwan kapab dir en pti mo la ki Lasanble pe arriv a lafen lannen, e pe al dan *recess*.

Mr Speaker sa lannen parey lannen pase ankor enn fwa sa Lasanble in ganny beni e nou'n kapab montre nou rezilyans, nou perseverans, e nou *teamwork* ziska lafen. Nou'n sa moter ki'n fer lenstitisyon fonksyonnen e deservi bann Manm e Lepep Seselwa an zeneral, menm dan bann moman difisil.

Pandan 2021 nou'n sirmont bann defi asosye avek *COVID-19* e permet ki nou bann priyorite stratezik in marse. Nou bann *staff* in ganny sans pou swiv plizyer *training* dan diferan fason pou devlop zot abilite. E menm fer bann *virtual exchanges* avek *staff* dan en lot Parlman.

Nou'n bouze avek nou proze *e-Parliament*, nou proze *green parliament*, nou'n agrandi la kantite *staff* dan *Research Unit*, dan *Media Operations Unit* osi parey pou anmenn Lasanble pli pros avek piblik. E osi vin endepandan dan *broadcasting*, atraver *MOU* ki Lasanble in sinyen avek *SBC*.

Nou'n ganny sans selebre nou bann *long serving members* ek *staff*, e bann sipor pou Komite in kontinyelman ranforsi tou dilon lannen. Mr Speaker mon ti a kontan pran sa lokazyon pou felisit nou bann *staff*, nou bann *management staff* osi pou zot travay tou dilon sa lannen.

Mon osi remersye bann *Leaders*, tou bann Manm espesyalman ou menm Mr Speaker pou ou *leadership*, ou gidans e sipor tou dilon sa lannen.

Mon pa'n bliy osi nou bann partners, bann Minister, departman e Lazans Gouvernman pou zot kolaborasyon kontinyel. En remersiman spesyal osi pou nou medya ki'n donn vizibilite Lasanble ki'n travay tre byen avek sekretarya.

Mon remersye osi nou piblik Seselwa ki'n kontinyelman enterakte avek nou pandan sa lannen. Mon swet tou dimoun avek zot fanmir en bon fenn lannen 2021 e en bon lannen 2022; ki Bondye i kontinyelman anmenn benediksyon dan lavi nou tou. Mesi Mr Speaker.

(APPLAUSE)

MR SPEAKER

Mersi Madanm Clerk. Bon mon annan plezir remersye bann *Leaders* lo kote Lasanble, Minis e osi Madanm Clerk pou zot mesaz e mon zwenn zot dan bann refleksyon e santiman ki zot in eksprimen ki mon partaze konpletman.

Sa lannen la an se moman la nou'n arriv a lafen nou premye lannen konplet koman travay dan setyenm Lasanble. E mon regard li koman en peryod tranzisyon, kot nou'n bezwen abitye nou avek novo rol petet refasonn novo mannyer nou travay.

Mon krwar setyenm Lasanble in etablir son prop mannyer ki i prosede e sa in donn nou en lannen ki'n tre aktiv, entans, bokou travay.

Mon remersye tou Manm e *staff* pou zot konprenezon pou bann difikilte ki zot annan, ki zot in bezwen fer fas avek dan peryod sa lannen dan desarz nou responsabilite, koman Lezislatif Sesel.

In en lannen kot mon annan bokou korperasyon lo tou kote. E mon anvi premyerman remersye tou dimoun ki konsernen pou sa lasistans e sa korperasyon ki zot in donnen, e sa i al pou bann Manm ki'n dan zot travay dan Lasanble, bann manm dan komite.

Me osi byensir pou *staff* nou Lasanble ki'n zwe en rol tre for, tre efisyen dan fer marse nou biznes Lasanble. Byensir mon repet remersiman ki nou'n annan pour bann Minis ki'n vin travay avek nou dan Lasanble pou zot partisipasyon ek zot korperasyon.

E ozordi an partikilye en remersiman spesyal pou Minis Hassan Sekreter Deta Patrick Payet, Mrs Tamatave e Mrs Croisee akoz zot, zot in pas plis letan ki tou lezot Minis avek nou. Donk mersi pou sa. pou nou travay koman sa Lasanble mon zis kontan ki nou'n kapab fer en travay efikas.

E mon sirtou apresye lespri korperasyon e linite dan ki pou lamazorite letan sa Lasanble in travay. E mon krwar sa lespri linite, i en legzanp ki nou bezwen mete pour Lepep Seselwa. Akoz si i annan en keksoz ki mon krwar i sakre dan nou misyon an se moman, se pour nou batir sa linite ki nou anvi war e egziste dan Lepep.

Mon konnen Seselwa i en pep ki santi li fyer koman Seselwa e ini. Ler ou vwayaz deor e ou ganny lokazyon pou petet avek vwayaz avek dimoun diferan kalite politik, ou war poudir nou tou nou prezant nou lekor koman Seselwa. E nou

fyer pou reprezent nou pei. Donk sa i en santiman ki devret kontinyen.

Finalman les mwan zis remersye lezot partner, nou piblik ki'n swiv nou e anmenn zot sipor pou nou travay. Zot lentere i enportan, akoz nou fer sa pou nou Nasyon, pou nou pep. E zot lentere dan sa ki pase isi i vreman tre enportan.

Byensir, mon'n pas remersiman pou bann Minis ki'n zwenn nou. Me i annan osi mon anvi rapel SBC ki'n fidèle dan kouver nou bann deliberasyon e nou bann lezot travay. Zot korperasyon in vreman enportan pou nou.

I reste mwan zis pou mon swet lo tou kote, nou Manm bann Minis, nou *staff*, nou piblik bonn fet Nwel e en bon Lafet Nouvel An e an esperan ki nou a revwar kanmarad an bonn form pou lannen 2022. Mersi bokou nou ava *adjourn*.

(ADJOURNMENT)